

大方廣佛華嚴經論卷第十四

密四

唐方山長者李通玄造

世主妙嚴品第一之四

經在一卷後至第五卷止

②十廻向法門第四

○第四從阿修羅王至日天子於中有十衆

用表十廻向何以然者爲阿修羅居大海中

不沒其身表十廻向圓融真俗常處生死大海不沒其身前之十住十行但修出世悲智心增加以廻向廻真入俗以成處世悲智圓滿故以阿修羅等十衆以表十廻向處大海

而不溺表此位菩薩以大悲心得真不證知真同俗處俗無染利生自在

○第一從初一衆阿修羅王有六行經義分一一日八言爲四一舉衆數二寄位表法三釋名配行四結數歎德一舉衆數者如初一

行是二寄位表法者寄阿修羅位表救護

一切衆生離衆生相廻向爲明此初廻向如

阿修羅雖處大海而海水不沒雖同天趣無天妙樂故如此位菩薩處於生死無生死中五欲樂雖處涅槃無涅槃中寂滅之樂故名

救護衆生離衆生相廻向又如法界品云成就如來高出世間阿修羅王又王者自在義明此位菩薩於涅槃生死中得自在故又阿修羅亦云阿素羅阿之言無素云遊故又云妙又羅云戲如婆沙論釋爲非天也雖天趣

攝爲多詭詐而無天妙樂像此位菩薩行大悲方便萬行似如詭詐似如生死無有人天五欲樂無常住涅槃出世寂滅之樂主十廻向中檀波羅蜜門舊名不須此舊翻謬矣或云毗摩之母以本從卵生故故名劣天如阿

舍經云劫初成時光音天來入海中洗浴水觸其身失精在水還成肉卵經八千歲乃生一女身若須彌山有九百九十頭頭有千眼有九百九十口口有四牙牙上出火猶如霹靂一十四手九百九十脚在海浮戲水精入

審

二

身生一肉卵經八千歲生毗摩質多身有九

頭頭有千眼中出水有九百九十手有八脚其形四倍大於須彌山純食淤泥及以藕根又與天諍廣如正法念經說然阿修羅住處有五一地上衆寶山中二云在須彌山北

下入大海二萬一千由旬有阿修羅王名羅睺此云障礙能以手障日月明領無量衆三從此更下二萬一千由旬有阿修羅王名勇健亦領多衆四復過二萬一千由旬有阿修羅王名華鬘亦領諸衆第五復過是數名毗

摩質多羅此名響高是舍脂父舍脂是天帝釋后父身如須彌山與天帝釋鬪戰時發自海中揚聲大叫云我是毗摩質多我是毗摩質多時闇浮提山岳一時震動亦名宄居謂彼中有光明城於中住故或天趣攝口上佛地論依毗曇鬼趣攝又毗摩質多羅此云種種事又毗摩者此云遍空質多羅云種種嚴儀言此修羅與帝釋戰時嚴備種種軍仗之儀空中而列舊云響高又曰宄居者非此依唐朝禮法師等翻是第四惡趣攝如經中十

審四

三

種阿修羅王表位進修中以明菩薩大悲徹下如居大海而得其底身出大海明菩薩不沒惡道能離自憍慢故以真攝俗真俗圓融處苦海而恒出寄其此位表迴向法門 三釋名配行者一羅睺阿修羅王明十迴向中

檀波羅蜜中檀波羅蜜門故此廻向中十波羅蜜以事表法中取阿修羅明此十廻向純以大悲大願以爲十度之體無自求益之心似彼修羅所居徹下其身處海徹上出身之半總明託事表法令易解故似大悲門用彰

此位中一一度門純以大智大悲大願徹真俗爲體如羅睺者此云能障明此位菩薩以大悲心入生死趣顯大法空障諸惡趣故二毗摩質多阿修羅王者明檀波羅蜜中戒波羅蜜毗摩質多者此云響高明以大悲大願

音聲誓度三界六道故以悲願爲戒體王者自在義處苦海中沈浮自在故三巧幻術阿修羅王者明忍波羅蜜明此位菩薩雖居生死大海常得如幻忍故四大眷屬阿修羅王者主精進波羅蜜明以萬行攝衆生遍故五大力阿修羅王者明以法性大禪定力在苦海而無苦故六遍照阿修羅王者明慧光攝化衆生遍故七堅固行妙莊嚴阿修羅王者明大悲方便爲嚴故八廣大因慧阿修羅王者以智慧增明以本願利生爲因爲在第八位中得智增明皆須念初發心時大願爲因故令度衆生故九出現勝德阿修羅王者明法師位成力波羅蜜十妙好音聲阿修羅王者明智位成就妙音善說法故四結數歎德如文可知 已上十波羅蜜皆是知真處

音四

四

俗融會大悲性中十波羅蜜如是十度以大悲爲體故託事顯法在於阿修羅喻菩薩處生死海而得其底而恒不沒生死海中是故下文成就如來高出世間阿修羅王又十住十行但明達智應真號之爲神十廻向十地

皆以十王表之明以慣習增長自在故自餘廣意至十迴向品方明

○第二有七行經一
百二十二言明不壞迴向爲明以真理智而同纏利生成大悲戒爲達俗性真真俗不二故法華經名妙法蓮華者是其義也

此經名大方廣佛華嚴者亦其義也以理智大悲法界自體清淨覺而興萬行故號佛華嚴經明菩薩以法性大智大悲不捨世流同事名之爲水具普賢行名之蓮華以覺行同資名爲妙法故名不壞迴向真性無虧同流

入俗名爲不壞明無性菩提無依住智自在故今以迦樓羅王託事顯之是金翅鳥也於此一段文中義分爲四 一舉衆數 二寄位表法 三釋名配行 四結數歎德 一舉衆數者如初行可知 二寄位表法者託

事寄迦樓羅 王位明於大海 上以清淨目觀命盡之龍而以兩翼而搏取之明勉濟義如法界品云恒願拔濟衆生出諸有海迦樓羅王此云金翅鳥王願十迴向菩薩常於生死大海之上以法空清淨智目觀有根熟衆生而以止觀兩翼而搏取之安置自性清淨涅槃之峯此止觀以法性爲止體以自性無性智爲觀體非能觀所觀而有二事主戒波羅蜜戒淨故猶如大海不宿死屍明大悲大智戒不宿人天及三乘染淨二見之死屍故此金翅鳥兩翼相去三百三十六萬里 三釋名配行者大速疾力迦樓羅王明戒波羅蜜中檀波羅蜜明此位菩薩以性起大悲入生死海度根熟衆生以止觀力如一念頃至於佛果涅槃之峯爲明於一念至法界性中非

古今三世所繫故以金翅鳥取龍之喻如速疾力者以金翅鳥取龍之時於一念頃援身入海水水波未合取龍而出名爲速疾力也故下文歎德中善能救攝一切衆生出生死海得道菩薩亦復如是以定慧觀察力從無

明大海之際繫長短心一念應真古今三世一時見盡如是見道如是修道是名爲發心畢竟二不別如是發心先心難但明十住初心從凡夫地一念應真難故非爲究竟佛果難故至於究竟不異初心故明法不異智慧不異時復不遷故以明法界體用故以定慧照之可見以情思之即迷也已下以諸波羅蜜依名義配之可知四結數歎德如文可知○第三緊那羅王有七行經一百一十七言等一切諸佛迴向以一切諸佛處於生死以法忍門以

爲萬行之主令一切衆生皆得菩提無上法樂故寄表緊那羅王此云疑神亦爲行主似人而頂上有角口似牛口人見皆疑人耶非人耶故曰疑神明此位菩薩以十廻向成大慈心以法忍力生於六道同行益生人見皆疑爲凡爲聖若是凡夫有智如佛若是賢聖行同凡事故以疑神寄表其行也此神能作行主與天作戲主忍波羅蜜門以忍爲萬行主若無忍者萬行不成是故忍爲行主於中四義如上准之十箇疑神以忍波羅蜜中十

波羅蜜以名下義配之可見此類畜生道攝○第四摩睺羅伽王有八行經一百三十一言此云大躰也亦云大腹羅伽云胃腹行也主精進波羅蜜胃腹行者明趣求樂法利人匍匐離慢謙敬也是精進義也明至一切處迴向也六道

四生無處不入此是守護伽藍神能護法故

如法界品云見佛歡喜曲躬恭敬摩訶羅伽

王此中十王明精進波羅蜜中十波羅蜜一

一以名下義配之可見此衆亦明方便同於

衆生愛著所爲名菩薩處生死同行令除愛

宮四

七

網如下歎德中習廣大方便令諸衆生永割

癡網故

○第五夜叉王有五行半經九十一言明無盡功德藏

迴向主禪波羅蜜以禪定夜叉守護一切衆生心令心不妄得大功德藏故夜叉者此云

苦活或名伺察明以禪門守護伺察一切衆

生苦活心令心不妄如法界品云常勤守護

衆生諸夜叉王餘十王是禪波羅蜜中十波

羅蜜以名下義隨位配之可見又毗沙門夜

叉因主所管得名毗沙門天王領夜叉衆在

須彌山北面

○第六有五行半經九十二言毗樓博叉龍王亦依所

管得名毗樓博叉天王主領龍衆在須彌山

西并富多那此主熱病鬼此之龍王主隨順

堅固迴向明般若波羅蜜門如龍遊空能隱顯降雨潤衆生故以般若空慧自在有無兩

諸法雨益衆生故以龍表之也毗樓博叉者

具云毗路波呵迄义亦云雜語主舊云覩目

新名毗者種種也路者色也波呵迄义者根

也以種種色莊嚴眼根明以種種慧莊嚴諸

見令見無著龍有五種龍一象形二蛇形三

馬形四魚形五蝦蟆形一善住龍王爲一切

象形龍主二難陀龍王此云歡喜爲一切蛇

形龍主三那婆達多龍王此云無熱惱亦名

清涼爲一切馬形龍主此一箇龍王遠離諸

龍三種過患一熱沙不墮其頭二不以蛇形行欲三無金翅鳥畏又更有一苦以風吹寶衣露身生苦唯此龍王得免斯惱故曰清涼依智度論此龍王是七住菩薩四婆樓那龍王此云水天爲一切魚形龍主五摩那蘇婆

帝龍王亦名摩那斯此云慈心慈心風不鳴條雨不破塊亦名得意又云摩那此云意高以此龍有威德故名爲意高爲一切蝦蟇形龍主如四分律文中說諸龍初生時睡時瞋時行欲時此四時中不能變形餘時皆能變形此約三乘中龍王其事如是如此一乘中龍王其德並是入不思議乘佛果位中大菩薩等爲化衆生故徧於諸道普現其身今於此會賀佛出興酬其本緣寄位表法即如此經毗樓博義龍王得銷滅一切諸龍趣熾然

解脫門爲明此位般若智慧之龍常遊法空以種種語言設諸教網故此是十廻向中檀波羅蜜婆竭羅龍王此云海也得一念中轉自龍形示現無量衆生身解脫門明此是入生死海成大悲戒報得願力神通故此十廻

向大體成慈悲願行得願力神通雲音幢龍王得一切諸有趣中以清淨音說佛無邊名號海解脫門此明忍招名譽如是獲益分中廣明德義迦龍王者此云能害於所害爲德義是所害聲迦是能害聲言此龍瞋時噓視人畜皆致命終故舊云多舌龍者由多言故

密四九
故云多舌非是口中有多舌故表進修中此是第六般若波羅蜜門善說多法故故云多舌託此龍位寄顯法故已下准上以名義配之可知已上十龍王以十廻向中般若波羅

蜜爲體表智慧遊空兩法自在

○第七有六行半經一百十二言等隨順一切衆生迴向以鳩槃茶王主之明此位菩薩成大悲徧入諸道垂慈利生此是麁魅鬼神噉食精氣亦名冬瓜鬼依正法念經說其名字如是惡衆生菩薩亦皆隨順是故名等隨順一切衆生迴向乃至地獄悉皆徧入此神是南方天王領二部衆一名鳩槃茶二名薜荔鬼此鳩槃茶陰囊大如冬瓜若行乃擎置肩上坐時即踞之而坐法界品云常勤除滅諸餓鬼趣鳩槃茶王明愛染貪求猶如餓鬼大悲菩薩盡與隨行斷一切貪求故

○第八有六行半經一百十二言真如相迴向寄乾闥婆王以表法此云尋香有香氣處以作娛樂而求其食託事表真如相位菩薩常以真如法

界戒定慧解脫解脫知見五分法身無染之香娛樂衆生令其愛樂故下文云皆於大法深生信解歡喜愛重勤修不倦入法界品云常令衆生增長歡喜乾闥婆王以法悅衆生義故於中十王明願波羅蜜中十波羅蜜此位智增隨根設教悅衆生故令歡喜也

○第九有五行半經九十二言無縛無著解脫迴向託事於月天子表力波羅蜜以無縛無著法性虛空智慧照燭衆生淨煩惱熱得法清涼故於中十箇月天子明力波羅蜜中十波羅蜜

隨名下義配之可見

○第十有六行經十九言入法界無量迴向以日天子託事表之明十迴向中智波羅蜜如日處空下臨照萬有其位於上其功益下像此位菩薩其智甚高其行彌下徹至人天神鬼外

道邪行畜生地獄盡同其行猶如日月其形
在上其功在下善惡俱照故於中十日天子
明智波羅蜜中十波羅蜜一一隨名義配之
常以智波羅蜜爲體已上十王配十迴向中
十波羅蜜竟如十住十行十迴向乃至十地

卷四

+

一位中波羅蜜各隨當位取意即得一例
取之即不知其趣如日月二位其形狀及高
下者如俱舍論月去地四萬由旬廣四十由
旬以水精白銀合爲兩面迴轉相映故有虧
盈此論如是說未可爲定依但依經說者爲
指南依長阿含經其月上有城其城正方一
千九百六十里高下亦爾二今天金作一分
琉璃作以遙看似圓天子五百歲子孫相襲
一劫日月相近光影相映即有虧盈此可爲
定日廣五十由旬其城正方二千四十四里高

卷四

十一

下亦爾其城純金七寶鑾飾王坐二十里壽
命子孫同月天子以風持故遠須彌山日月
天子總是四天王所攝此已上多依長阿含
經說如是日月天子皆表十迴向成大悲願
行之門明慧智無依常以法空爲體隨根普
照無有所爲任無功之智日稱萬有而成益

◎十地法門第五

○第五從三十三天王已下至大自在天王
於中有十大天王明十地利生因果者

○從初第一三十三天十大天王有一百七言

託事表初歡喜地義分爲四一舉天王名號
二寄位表法三釋名配行四結數歎德一舉
天王名號者如經云所謂釋迦因陀羅天王
等十大天王名號是二寄位表法者寄託此
天表歡喜地菩薩得歡喜地時得法悅心無

有世間五欲等諸繫著故樂唯是法樂以此義故多歡喜多適悅猶如世人創得生於忉利天上受天妙樂又如昇山頂至無相際身與空合明此位菩薩從十住十行十迴向習氣之有爲而昇此初地之位法空之際一分習氣盡故以須彌之頂忉利之天寄表其位令易解故十住十行寄表如神十迴向位寄表如王於此十地寄表如天明其進修漸漸慣習殊勝以總別同異成壞門三對六字義該之亦以十玄門該之如是進修差別總是刹那中同異皆不得如情所知如理思之可見又如仁王經云習種銅輪二天下銀輪三天性種性道種堅德轉輪王七寶金輪四天下初地菩薩忉利王二地菩薩夜摩王以次寄位配當明福智殊勝不可以世間之樂

爲比也以實而言如菩薩悲智所攝周徧六道所生不棄微流一切惡生之類但以饒益故法性自在故寄表如天如王自在之義不忻世樂之所表之如此華嚴經下文初地菩薩多作闍浮提王今十大天王但爲表法進修不離一剎那間漸漸殊勝故又此天名妙高天其山在大海中出水高八億由旬入水深八億由旬四寶合成北面黃金南面琉璃西面水晶東面白銀形如腰鼓上有四層級四天王各隨方所居四面其山頂上四埵埵別八天王各有自部衆中頂帝釋居衆寶所莊嚴以是名妙高亦名妙峰山亦名忉利天此云能主天由帝釋能爲天主也依主爲名故下有七重海重別金山圍遶迦樓羅速飛七日方始達金山有天居皆四天王所攝其

上三十三天所有天身長一由旬衣長二由

旬廣一由旬衣重六銖壽一千歲一日一夜
同此人間一百年三十日爲一月十二月爲

一歲已上依俱舍三法等論說此天王有五
種名一名能主一名釋提桓一名橋尸迦一

寓

主

名天帝釋一名因陀羅天此名天主具云釋

迦因陀羅釋迦者此名百也爲先因百度設
無遮齋得作天主此配歡喜地中檀波羅蜜
已下十天王是檀波羅蜜中十波羅蜜各隨
名義配之可見其四段配文如前可知此位

菩薩對治觀行苦空無常世法非實皆從十
二緣生本無體相成於捨法身命財等如是
於諸佛法信順修行且治欲界麤慳慘業行
檀波羅蜜於十二緣生未善了知六地菩薩
方明十二緣法作如鍊真金數數入火喻明

對治慳障

○第二復有無量須夜摩天王

有五行半經九十五言

託事表離垢地爲此天離地際故依空而居
有衆妙樂也像此位菩薩戒波羅蜜增勝有
法妙樂以法身爲戒體故漸增進離前地世

間繫故初地檀度爲勝此位上上十善淨戒
爲勝名爲離垢初地須彌之頂世界與人連
寄同世間此位以空居寄同出世間故名離
垢初地喻鍊真金未云加藥但數數入火轉
轉明淨此地鍊真金加以磐石轉令明淨以
戒爲磐石然金體無二明以戒對治欲界中
愛欲等麤障但以法身大慈大悲大願四攝
四無量十波羅蜜三十七道品之法藥互相
磨鎔使令智悲自在故夜摩天者此云時分
天也爲此天無日月天光自相照不分晝夜

但蓮華開合知其晝夜時分故此天身長二由旬衣長四由旬廣二由旬衣重三銖壽二千歲日月歲數與前天倍此天王有十天衆即明此戒波羅蜜中十波羅蜜各隨位名義配之可知此位修上上十善戒治欲界現行龕感習氣三地修九次第定方無三界煩惱生如來家同如來性

○第三復有不可思議兜率天王

有六行經一百言

此託事表發光地此名知足天佛地論云最後身菩薩於此教化如瓊珞本業經十一地等覺地始名一生補處方名最後身配在第三禪此知足天爲最後身菩薩在中者皆是如來隨時方便說法利生不可定也前位明

以上上十善淨戒離欲界現行龕感垢故此位菩薩以九次第定淨色界無色界并欲界

心習得出三界心作鍊金喻善巧鍊之不失銖兩轉轉明淨明以九次第定鍊之以法眼觀之以行加之無虧本法但轉明淨欲界修定以治欲障上界修慧以治定障如是對治即如六地菩薩位在色界初禪修十二緣觀用治定障隨順法行方便利生無所染著名發光地以忍波羅蜜爲體於中十大天王是忍波羅蜜中十波羅蜜此天身長四由旬衣長八由旬廣四由旬壽四千歲日月歲數皆與前天倍此知足天當修三法得生其中所

密四十五
謂戒定慧若但修戒施即生餘天皆有放逸若一乘法中其事不爾以智徧周以爲天體故

○第四化樂天王

有五行半經九十七言

託事表談慧地菩薩以三十七助道品觀以捨爲體以本

願故法如是故不捨教化一切衆生以三十七助道觀門莊嚴慧業將用化利一切衆生以爲自樂像此天處常以變化以悅自樂亦名樂變化天心外無境從心變故表此位菩薩從初發心住以法空現前心外無境爲進修故以三十七品助道法門對治此天及三界邪見等障鍊磨心地用嚴慧業使令明淨將用教化一切衆生以爲自樂故名燄慧地也如菩薩縷珞本業經云一歡喜地菩薩名爲逆流二離垢地名爲道流三明地名爲入流四地須陀洹五地斯陀含六地阿那含七地阿羅漢八地變化生死九地是智慧妙善地十地是法雲地又縷珞經云十住菩薩入法流水任運至佛如此華嚴經十住十行十迴向十地十一地五位之中一一各有十重

佛果普賢行爲因十信位心便信自心分別之性爲不動智佛無礙智佛等十箇佛果總爲自心之智方名信心如是和會多諸同異隨信解別親疎不等但依當部進修行門皆以總別同異成壞門該通圓融皆不離剎那際即義通也若延時取解即違法界之道理此天王衆有十天王皆是精進波羅蜜中十波羅蜜各各隨名義配之可見常以精進波羅蜜爲體此位作鍊真金作莊嚴具喻精進明修三十七助道之觀對治三界邪業習故此天身長八由旬衣長十六由旬廣八由旬壽八千歲日月歲數與前天倍衣重一銖食甘露味歎德餘門如前可解○第五復有無數他化自在天王有五行半經九十七言託事表難勝地爲此天在欲界頂明菩薩

欲境難超故曰難勝地明五地已來菩薩

於五欲境界未得全自在故但爲觀照諸波

羅蜜修行力故不沒其中未同入地無功法

流自在故此位菩薩修十諦觀以治三界染

淨惑障餘習故得工巧明門五明方現此天

密四
十六

處若不如是修十諦觀治之便爲魔境三界

染淨業習不能自在故曰難勝地此位菩薩

常以禪波羅蜜以爲觀體魔王波旬居此天

中修十諦觀即爲菩薩位不修觀者是魔眷

屬又此天名他化自在以他變化以爲自樂

像此位菩薩常教化衆生令他得樂以爲已

樂此作碑碟磨金喻明以十諦觀爲碑碟於

中十大天王明禪波羅蜜中十波羅蜜以名

下之義配之可見此天身長十六由旬衣長

三十二由旬壽命歲月悉與前倍

○第六復有不可數大梵天王

有五行半經
九十六言
七

明現前地以十二緣生觀得寂滅神通三解

脫門空無相無願智慧增明除其初禪樂靜

迷真障明在欲界修定如三地菩薩是也在

禪界修慧心染勝處即以法治之不令障真

無依之性故常處三界不在其中也名尸棄

天王此依新譏爲具梵摩此云清潔寂靜以

初禪是色界無女人生無欲界染故依佛地

論云離欲寂靜故名梵身又依長阿含云梵

衆中以梵音語故故名爲梵又尸棄者或云

持髻或云螺髻或云火頂以火災至此天故

修得初禪者得生此天此天王於梵衆中發

大梵音諸天各自謂言唯共我語於大千界

最得自在顏如童子身如白銀色長半由旬

衣如金色無男女形禪悅爲食壽命一劫此

依長阿含經說此位作毗琉璃寶磨真金轉
轉明淨喻明十種逆順緣生觀得十空定門
爲毗琉璃寶也毗之云光明此位菩薩以十
種十二緣生觀及十空三昧表以十二緣觀
如明淨琉璃用磨智慧轉轉明淨明觀無明
成根本智更令明淨於中有十大梵王明般
若波羅蜜中十波羅蜜各各以名下義如前
配之可解此第六地第六住等總明出三界
業現前寂滅神通三空自在如十住中以海
幢比丘表之如十地第六地以夜神名守護

一切城增長勝力是也總如善財善知識表
之第七地明入總同事如下

○第七復有無量光音天王有五行半經
九十八言明遠行地如此二禪天初禪滅憂二禪滅苦明
此位菩薩在七地諸行已終大悲圓滿四攝

四無量十波羅蜜三十七助道法常在現行
自苦已無常度他苦染淨二障此位通過譬
如真金飾以衆妙雜寶轉更殊勝明以法身
爲金體悲智萬行圓滿爲衆妙寶互爲莊嚴
常以行網敎光普化一切衆生故故像此天
已滅憂苦以心淨故出語口中光生用明此
位菩薩敎光破暗故於此有十大光音天以
明方便波羅蜜中十波羅蜜各隨名下義配
之可解此天身長二由旬壽二劫此天水災
至

會四

十八

○第八復有無量徧淨天有六行經
一百六言明不動
地菩薩明此天憂苦已無唯有禪悅像此位
菩薩功用已終唯有法悅法悅習氣十地始
無此天風災至爲有禪悅喜動其性像此位
菩薩無功智現前猶有無生法樂智淨習氣

以諸佛三加七種勸發令憶本願方始隨智行廣利衆生十方世界度生無限此乃如來設教防之防護初發心之際圓融悲智非獨是此位方有滯淨之功是一即一切中防護也望七地中萬事總具何得第八地中佛果

富四十九
知見猶自未終還以十玄六相通融不可違

法界體作前後解凡夫妄作無量劫只是法界中無始終此位作治真金作人王寶冠諸臣冠不勝喻明八地法性無功智勝故十力四無畏猶十地方終普贊行海十一地方滿

○第九復有無量廣果天有一百二言有六行經明善慧不勝喻以此位菩薩智慧寶冠下地菩薩無有能勝於中有十天王明力波羅密中十波羅密各隨名義配之可解此天身衣及壽與前天皆倍明此位菩薩常以法官而爲安止以福德廣大名爲廣果天

○第十大自在天王有一百二言有六行經表第十法雲地如下歎德中皆勤觀察無相之法所行平等明此位無相智成如菩薩本業纓珞經云三贊菩薩能伏三界魔業龐相續果初地已上亦伏亦斷八地已去色因業勝因境緣法寶宮殿教化衆生能以一箇言音爲一切

法執習故明猶有於境見未純熟猶執法習在故九地已去心因業勝內心自緣法執習故九地有內心緣法執習故十地之中心色二習一時總盡十一地方心境二緣中得無礙自在故從八地至十地無功用中緣真法執內外習亡於十一地普賢門猶未自在如十定品中求覓普賢不見者是又智度論云第九天外更別有十地菩薩天名摩醯首羅此天有八臂三目騎白牛一念知三千大千世界雨滴之數此是引進菩薩方便設法託事表法及攝化境界漸增勝故望一乘法界理事同參一微塵內諸佛國土人天同處身塵毛孔如影相入修真之者須當如實而知莫隨化相應須以同時具足相應門一多相容不同門諸法相即自在門因陀羅網境界

門微細相容安立門祕密隱顯俱得門十世隔別異成門主伴交參無礙門託事現法生解門唯心迴轉善成門以此十玄門該之即理順故已上神天之位但利生門中託事表法令易解故如如來實非牛王龍王象王以託事表之今生解故望得道處其智無形無爲而能知萬有即爲神也以此神性隨行祐生即行非虛也以智常居三界不隨染淨以此自在寄位如王以通化無方福過羣品寄位同天即隨行祐生行非虛也同異總得表

實無妨

密四
王

④從位舉法進修寄同獲益門

經二卷
至五卷

會釋

從大衆圍遠常隨佛衆之中從普賢菩薩至自在天已來此四十一衆義分爲二

④一現果成因彰位分

如已前
列泉是

④二從位舉法進修寄同獲益分

如向直下
至普賢海

月光
等是

今從第二卷初爾時如來道場衆海悉已雲集已下至第五卷中海月光大明菩薩衆已

來此四十一衆是從位舉法進修寄同獲益

分此中合有五十衆爲普賢等衆十箇菩薩當等覺十一地法門十箇互參自具十衆爲

一人具十總爲五十衆如下獲益分中入則

同佛知見爲與後學者作樣式令倣之也不

悟是凡悟已同佛知見故名初發心時便成

正覺如已下神天獲益之中各有二十行頌

皆初兩行歎佛之德後十八行皆三句歎佛

一句自歎與佛同知其例如是隨時科文隨

時稱歎無煩更釋唯普賢菩薩一人獨入十

法者普賢衆明一位普周衆行也海月光衆但歎佛德與自所入之法相似以此頌中更不別歎自德如普賢衆中加淨德妙光菩薩是文殊師利別號文殊師利此云妙德又法華經內徃昔號妙光又妙德與光其意相似以德爲光以能破暗發明故今在普賢衆內表法明因果理智萬行圓融故普賢獨獲十種益者明一即一切故明一多自在延促自由故是總攝義也

○一從爾時如來道場衆海已下有二十六

行經四百四十一言義分爲二

○第一從初爾時已下有十一行經明衆已

雲集於此段中義有其五一陳衆雲集

二陳部類各別三都歎衆德四明本因

佛化五明今以勝解力入佛所知

○第二從所謂妙樂海自在天王已下有十五行經於此段中義有其二 一明天王獲益 二明天王乘威說頌

○於此佛身普偏諸大會二十行頌中有其二義 第一兩行頌純歎佛德 第二十八行頌皆三句歎佛一句自歎與佛同知已下密四 倘四

例然唯普賢少異前已敘意訖

○海月光已上諸衆皆悉如上以義科文隨義稱歎教門弘大不用文繁得意即得此初會之內四十七衆之中已前七衆前已釋訖

在經第五卷
首第三段竟

○如來座內衆經云如來師子之座衆寶妙華輪臺基陛及諸戶牖如是一切莊嚴具中一一各出佛刹微塵數菩薩摩訶薩於此段中義分爲二△一述衆來意△二長科經文

密四

壬

△一述衆來意者是中其意有三 一明諸

菩薩是古佛舊行 二明今佛契同 三明古今不二爲門所坐之座合古所行菩薩行依舊故如下頌中諸佛所悟我已知常以法身爲座體以普賢萬行爲莊嚴以無作大悲

之智爲座上佛前佛後佛皆同此也明今佛契同古跡定衆生狐疑是故須來是名爲如來自行與古同因衆爲座體體是法界所行亦是法界以此無礙自在故座身是正報座上莊嚴是行所招依報今還從本行報得之果內還出本自行因菩薩衆也亦明因果不二體故如法界品如來師子之座普偏法界爲座體故

△第二長科經文者從爾時如來師子座已下有二十九行經四百九十一言於中其義有

七 一明座上莊嚴出衆 二列所出衆名

三來衆與供 四其衆違佛致敬 五致敬已昇座而坐 六歎來衆之德 七乘威說頌 從此已下有十菩薩各說二十行頌歎如來成道福智依正及往昔所修之因任其後哲隨文隨義稱歎不煩更釋此一段明今佛合古行古行合今佛明座外普賢之衆是佛利他之行座內之人是佛自行所契普賢之衆此之大衆古今一切諸佛同道更無二路衆生乘之即名乘不思議乘如來乘最勝乘無上乘至於道場此以一切法皆爲道場也以法界爲場地諸波羅蜜爲人功治一切垢本自淨故治無明成根本智故教文弘廣略申體意隨文讚歎任在後賢此十箇頌中向下歎佛十波羅蜜及十地有二十行頌

自餘皆二十行也准知在經五卷
第四段

○從爾時華藏莊嚴世界海已下有二十一行經三百六十二言
今十八行半明動地與供於此一段

經文其意有七 一明舉世界之名 二推佛神力地六震動 三世主與供歡喜 四

明以此例同多土 五明佛徧與於世 六

明世主各隨自解 七明法會與供普同十方問曰何爲地動答曰其地動大意有五一小此會大衆得道二智人出現三智人去世四世間災變五得道歡悅此明大衆獲益歡悅

唐四

二十四

故地動推佛神力者明師弟之敬推德於上問曰何故於此段中地動與供答曰爲至此中一段明初會中常隨佛衆當境之內神天衆及如來座內古今諸佛同因衆菩提樹內流光衆并如來宮殿內大悲衆如是當佛自

衆來集復得益及賀佛出興心歡喜故衆心
喜動故地亦隨心動故此明初會當境之內
大集一終然後面門放光普集他土亦來此
會此是無自他中他也以明化儀主伴此乃

審

玄

乘宗爲一切佛之本體衆生同具只爲迷之
六覺城東會明顯示菩薩利生行門善知
識攝生形狀法則進修因果若但說其法在
行猶迷此經設教及行證修前後六度總舉
解行證修因果令使啟蒙易解不滯其功

大方廣佛華嚴經論卷第十四

音釋

辟慮上音僻下音避脂音支耽音耽薜荔音薜荔蘚音蘚也

匍匐上音蒲下音步黑切蝦蔓上音蝦下音蔓掩薜荔音掩薜荔蘚音蘚也

備下音列珠音列珠殊鑒音殊鑒崇定切碑礎上音碑下音礎渠石似玉

妙嚴品及至華藏世界品五品經明初成正
覺顯示五位行門報得及示現入法一重因
果二毗盧遮那品是古佛因果引古證今
明佛佛相襲道不虛來三第二會普光明
殿顯示十信因果四從須彌之頂直至離